

سنة لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولور

نسخه سی ۴۰ پاره در

محرکات

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن برمجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توضیحات

در سعادت بدایت محکمه سی اعضا ملازم کی محکمه
استیناف جنایت قسمی ضبط کتبه سندن و مکتب حقوق
شاهانه مأذونلرندن برهان الدین بکه
کوملجنه سنجانگی بدایت محکمه سی مدعی عمومی
معاونلکی پرزرین سنجانگی بدایت محکمه سی مدعی عمومی
معاونی فتوتلو عطا افندی به
پرزرین سنجانگی بدایت محکمه سی مدعی عمومی
معاونلکی ایلبصان سنجانگی بدایت محکمه سی مدعی
معاونی فتوتلو نافذ افندی به
ایلبصان سنجانگی بدایت محکمه سی مدعی عمومی
معاونلکی هرکیت بدایت محکمه سی رئیس حسین حسینی
افندی به
هرکیت بدایت محکمه سی ریاستی ایاصو ناحیه سی بدایت
محکمه سی رئیس علی رضا افندی به
ایاصو بدایت محکمه سی ریاستی میس جزیره سی
بدایت محکمه سی رئیس عثمان نوری افندی به تفویض
بیورلش و مومی الیهمدن برهان الدین بکه امر تحلیفی
بوکره اجرا اولندیگی کی عطا و نافذ و عثمان نوری
افندیلر ذاتاً محلف بولنمش و دیگرلرینک ده اجرای
تحقیقلری محللرینه تبلیغ ایدلمشدر.

تبلیغات

پولتیقه و سوء قصد و مخل آداب عمومی حرکاتندن
ماعدل جرائم عادیه ایله محکوم اولان مجرمیندن
در سعادت حبسخانه عمومی سندن محبوس اولوب ثلثان
مدت جزائیله لرینی اکیال ایتش اولان اللی سکیز
کشینک «لیله مبارکه» رغائب «حرمتنه اخلا سیلیری
وطشره حبسخانه لرنده محکوماً محبوس بولنان بومثللو
مجرمینک دخی عفو عالی جناب پادشاهیدن استفاده
ایتمک اوزره کیفیتک هر طرفه تلغرافله تبشیری خصوص
صنه اراده مراحم معتاده جناب جهانبانی شرفتملق
بیورلش و بر منطوق امر و فرمان هایون اقتضاسنک

هان ایفاسی ضمیمه عدلیه نظارت جلیله سندن ضبطه
نظارت جلیله سیله در سعادت استیناف مدعی عمومی کتبه
تذکره لر تسطیر و طشره محاکم استینافیه سی مدعی
عمومیلک لرینه ده تلغراف ایله کیفیت تبلیغ و تبشیر
ایدلیکی کی در سعادت حبسخانه سنده محبوس اولوب
مظهر عفو عالی اولان مجرمینک حضوری معتاد اولان
ذوات مواجهه سنده سیلیری تخلیه اوله رق عمومی
طرفندن دعای ازدیاد عمر و اجلال ولی نعمت یمینت
اعظمی تذکار و تکرار قلمشدر.

ملزم محمود افندیکن متوفی عارف بک ایامی علینیه
استیصال ایدلیکی اعلامک صور اجرائیه سندن شکایت
ایدلمی اوزرینه اولباده سبق ایدن تبلیغاته جواباً مناسرت
ولایتی استیناف محکمه سی مدعی عمومیلک سندن وارد اولان
تحریراتده متوفای مومی الیهک زوجه سیله ایتمی عهده
سند کی اراضینک بالمزایده فروخت ایدلیکی بیان ایدلمش
اولوب آنجق اشبودینک زوجه مومی الیها طرفندن تدین
ایدلمش و دینکده خدیجه خاتمدن تحصیلی محکوم بولندیگی
جمله شکایاتندن بولنمش اولدیگی بیانیله بوجهنک و مشتری سی
نامنه طایو سندی اعطا ایدیلوب ایدلمدینک دفتر خاقانی
اداره سیله جریان ایتش اولق لازم کلان معاملات
و مخبرات ایله برابر بالتحقیق انبازی بکرار اشعار
قلمش اولمقدن ناشی کیفیت ایلبصان دفتر خاقانی
مأموریتیه مدعی عمومی معاونلک سندن لای الاشعار
وارد اولان تحریرات جوابیه ده دین محکوم بهک
تسویه سی ضمیمه اجرا دائره سنجه بالمزایده فروخت
اولان بانچه نک اراضی امیریه دن اولسیله دین ایچون
صاتیله میه جنی دفتر خاقانی اداره سندن و مذکور بانچه
نک صرف ملک نظریله باقیلوب فروخت ایدلیکی
دخی مذکور معاونلک جانبدن بیان و ازبار قلمش
و مشتری یدینه طایو سندی ویرلیدیگی دخی مؤخر
بالتحقیق اکلاشلمش ایسه ده طرفینک اشعاراتنده
و جلب اولسان اوراق اجرائیه ده مذکور بانچه نک
ملک ویا اراضی امیریه دن اولدیغه دائره و احتیاجه صالح
برقید و دلیل کوریه مامش و ذکر اولنان بانچه اراضی

امیریه دن اولسیله بیله دعوی واقعه صغاره متعلق
ایکن انانی محاکمه ده مدعی عمومی حاضر بولندیگرنه
سندن و تواقص سائرده دن طولانی بوبانده کی اعلامک
سر ایا بولسز بولنمش اولدیغندن بحاله ایقای مقتضاسنه دائر
مذکور مدعی عمومیلک سندن وقوع بولان اشعار اوزرینه
ایجاب کیفیت انجمن عدلیه جه لدی التذکر اراضی امیریه
بورج اوده میوب صورت عادیه ده ورثیه انتقال ایده جکده
و داین محمود افندی عندالحاکمه ورثه کباره حصر دعوی
ایتدیگی حالد محکمه جه یالکیز حصه دینی ایله مؤاخذه
اولق لازم کلان ایتم مرقومه نک و صیسی خدیجه
خانم خلاف قانون اوله رق مجموع دین ایله محکوم
ایدلمش اولدیغنه کوره اولباده کی اعلام اساس حکم
اعتباریه بولسز اولدیگی کی اکا بنس قتلان معامله
اجرائیه دخی خلاف قانون اوله رق محکوم اولمیان
ورثه صغارک اساساً دین ایچون فروختی جائز اولمیان
اراضینک فروختی صورتنده اوله رق حکم و اجرادن
متحصل نتیجه نک مغایرت قانونیه سی تضاعف ایتش
واکرچه اشبو اعلامه قارشو اداره برشی دنیله من
ایسه ده صراحت قانونیه خلافنده وقوعه کلان بر
معامله اجرائیه نک صحت و نفایزیه حکم اوله میه جنی
بدیهی بولنمش اولدیغندن ایتم مرقومه و کرک محکوم
علیهانک منع معذورتلری ضمیمه اراضی مذکوره
نک مشتری یدینه ویریلان طایو سندلرینک ابطالیه
لازمه معدلتک اجراسی افاده اولنمش و اولوجه سیله
عدلیه نظارت جلیله سندن دفتر خاقانی نظارت جلیله سیله
مذکور مدعی عمومیلک تبلیغات مقتضیه ایفا قلمشدر.

محاکمات مقدماتی

یکدیگرینی ضرب و جرح ایتملرندن طولانی
مظنون اولان براون و امین و محی الدینک درجات
متفاوته ده حبس لرینه و اسماعیلک برائته دائر یوزغاد
سنجانگی بدایت محکمه سی جزا دائره سندن لاحق اولان
اعلامک تمیزی حقنده مرقوموندن براون طرفندن
بالاعطا محلی مدعی عمومی معاونلک سندن اسرا قتلان

اعلانات

ارضروم استیناف محکمہ سی مدعی عموم بملکندہ :

ارزنجان ردیف طابورینک ایکنجی بلوکی یوز باشیسی حاجی محمد افندی به قتل قصدیلہ تشہیر سلاح ایلمسندن طولانی مظنون علیہ اولان ارزنجانک قزاق اوغلی عملہ لی قصاب طیارک برادری عنان افندیکن فعل مذکورہ مجاسرتلہ ارتکاب فرار ایلدیکی لدی التدیق اولابده کی اوراق تحقیقہ مألندن اکلاشلمش و حرکت واقعہ سی قانون جزانک یوز سکسانجی مادہ سی علاوہ سی حکمنی مستلزم افعال جنائیہ دن اولہرق ارزنجان بدایت محکمہ سی جزا دائرہ سندن محاکمہ سی اجرا ایلمک اوزرہ جنایتلہ اتہامنہ قرار ویرلمش اولغلہ مرقومک ہر زردہ کوریلورایسہ دردستیلہ محکمہ مذکورہ توقیفخانہ سنہ تسلیم ایلمسی لازم کلہجکی بالجلہ ضابطہ عدلیہ مأمورلرینک معلومی اولوق اوزرہ اشبو اخذ و گرفت مذکورہ سی ارضروم ہیئت اتہامیہ سندن بالتظیم اعطا قلندی .

بایزید قصبہ لی عنان اوغلی قادونک حیواناتی جبراً اخذ وغصب ایلملرندن طولانی مظنون بولنان احمد اغانک اوغللری خنکو والوب و خدمتکارلری حسن فدان و احمد بن قاس نام شہسوارک فعل مذکورہ مجاسرتلہ ارتکاب فرار ایلدیکلری اولابده کی اوراق تحقیقہ مألندن اکلاشلمش و حرکات واقعہ لری قانون جزانک ایک یوز الی ایکنجی مادہ سی حکمنی مستلزم افعال جنائیہ دن اولہرق بایزید سنجانی بدایت محکمہ سی جزا دائرہ سندن محاکمہ لری اجرا ایلمک اوزرہ جنایتلہ اتہاملرینہ قرار ویرلمش اولغلہ مرقومک ہر زردہ کوریلورلر ایسہ دردستیلہ محکمہ مذکورہ توقیفخانہ سنہ تسلیم ایلملری لازم کلہجکی بالجلہ ضابطہ عدلیہ مأمورلرینک معلومی اولوق اوزرہ اشبو اخذ و گرفت مذکورہ سی ارضروم ہیئت اتہا میہ سندن بالتظیم اعطا قلندی .

ازمید سنجانی بدایت محکمہ سی جزا دائرہ سندنہ :

اوچیوز اون یدی سنہ سی تموزی واسطندہ اطہ بازاری تیمور یولی عملہ باش چاوشی ارزنجانلی خلیل چاوشک لیلاً کلبہ سی بخرہ سندن دخول واشیاسنی سرفت ایتمک فعلیلہ مظنون علیہ اولوب درسعادت ہیئت اتہامیہ سندن حقندہ اخذ و گرفت مذکورہ سی ویرلمش وعقیب وقعہ دنبرو حال فرارده بولنش اولان صبا بچہ ناحیہ سنک کل دیبی قریہ سندن اورتہ بویلی آچیق آتلی قمرال صاچ و قاشلی الا کوزلی عادتاً اغز و برونی مطروش کوچک چکلی

سردار اوغلی احمد بن احمد آلان الہ کچوریلہ ماش اولمسندن ناشی اصول محاکمات جزائیہ قانونک اوچیوز یتش برنجی مادہ سی موجبہ قانونہ اطاعتلہ محکمہ یہ کلی ایچون طرف ریاستدن مجدداً اون کون مهل ویرلمش اولدیغندن مدت مذکورہ ظرفندہ اثبات وجود ایتمدیکلی حادہ محاکمہ سی غیاباً بالاجرا حقوق مدنیہ دن اسقاط واموالی حیز ایلدیہ جکی وبوبابده مرقومک برکونہ دعوی اقامہ سنہ حق اولہ میہ جنی کی مرقومک بولندیگی محلی بیلنلر خبر ویرمک و بالجلہ ضابطہ عدلیہ مأمورلرینک مرقومی دردست ایتمک مجبور بولندقلری اعلان اولنور .

تجارت بحریہ محکمہ سندنہ :

بک اوغلندہ قالیونجی قوللغندہ کائن مسکرات قبریقہ سندنہ ساکن مفلس یانی انجولیدی ذمتندہ آلہ جغنی اثبات ویا موقتاً قبول وقید ایتمدیرمش اولان الہ جقلولرک قانوننامہ تجارتک ایکیوز اون برنجی وانی ولی ایدن مادہ سی موجبہ مفلس مرقوم طرفندن تکلیف اولنہ جق قوتقورداتونک مذاکرہ سیچون اشبو ایلولک یکریمی اوچنجی بازار ایرتسی کونی ساعت یدی رادہ لرنده محکمہ تجارت بحریہ نک افلاس اوطہ سنہ کلری اعلان اولنور .

طوپخانہ دہ بوغاز کساندہ بوستان باشی جادہ سندنہ ساکن مفلس غورٹیل ولد حاجی نیقولہ ذمتندہ الاجغنی اثبات ویا موقتاً قبول وقید ایتمدیرمش اولان الاجغلیلرک قانوننامہ تجارتک ایکیوز اون برنجی وانی ولی ایدن مادہ سی موجبہ مفلس مرقوم طرفندن تکلیف اولنہ جق قوتقورداتونک مذاکرہ سیچون اشبو بیک اوچیوز اون سکیز سنہ سی ایلولک یکریمی بشنجی چهارشنبه کونی ساعت یدی رادہ لرنده محکمہ تجارت بحریہ نک افلاس اوطہ سنہ کلری اعلان اولنور .

ایکنجی تجارت محکمہ سندنہ :

درعلیہ دہ خطب قپوسندہ کراستہ جیلردہ ساکن ایکن ایکنجی محکمہ تجارتدن افلاسنہ حکم اولنش اولان و . پ اورائل اوغلی و شریکلری آ . اورائل اوغلی و . ی . اورائل اوغلی ذمتندہ الہ جغنی اثبات ویا موقتاً قبول وقید ایتمدیرمش اولان الہ جقلولرک قانوننامہ تجارتک ۲۱۱ نجی وانی ولی ایدن مادہ سی موجبہ مفلس مرقوم طرفندن تکلیف اولنہ جق قوتقورداتونک مذاکرہ سی ایچون ۳۱۸ سنہ سی ایلولک ۲۳ نجی بازار ایرتسی کونی محکمہ مذکورہ نک افلاس اوطہ سنہ کلری اعلان اولنور .

استانبولده مرجان چارشوسندہ (۴۶) نومرولی دکاندہ مقیم کاوسالہ جی و مشینجی میخالاکی حاجی یوان اطناسیادینک ۱۲ ایلول سنہ ۳۱۸ تاریخندن اعتباراً اعلان افلاسنہ و مصالح افلاسیہ نک رؤیت و تسویہ سی ضمتندہ اعضای محکمہ دن سعادتلو رضا بکک ژوژ قومیسر و دعوی وکیللرندن واسیلاکی بانکیدی و نیقو لای غودا افندیلرک موقت سندیک تعینلرینہ و مغازہ موجودیلہ اشیای زائدہ بیتہ سنک تمہیرینہ و اوراق و دفاترینک جلبنہ و کفالت ارانہ ایدہ مدیکی تقدیردہ حبس و توقیفنہ وبوبابده کی قرارک موقتاً اجرا سنہ ایکنجی تجات محکمہ سندن قرار ویرلمش اولدیغندن قانوننامہ تجارتک ۱۷۰ نجی مادہ سی موجبہ دائمی سندیکلر انتخاب اولنوق اوزرہ کلہ جک شہر تشرین اولک ایکنجی چهارشنبه کونی ساعت یدی رادہ لرنده اصحاب مطلوبک محکمہ مذکورہ نک افلاس اوطہ سنہ کلری اعلان اولنور .

اعلامات شرعیہ اجرا دائرہ سندنہ :

مرحوم حاجی سعید افندی نقود موقوفہ سنک متولیس رفعت و مرحومہ حاجہ عایشہ خانم نقود موقوفہ سنک متولیس اسماعیل افندیلرک بقال نیکفور ولد پترو ذمتندہ اوقاف هایون مفتشلکندن اعطا قلنان مقتضا اعلامی موجبہ الاجقلری اولان مبالغ معلومہ نک تأمین استیفای ضمتندہ مرهون و فروختی محکوم بولنان استانبولده لغہ کیردہ ایسہ بک محلہ سندنہ میراخور حامی جوارندہ و بکی قپو زقاعندہ واقع مقدما بر باب بقال والیوم فوقلرنده بش باب اوطہ و بر صغیر صفہ و بر مطبخ و بر ابدستخانہ و بر فرنک طلومبہ لی بڑ مانی مشتمل بر نومرولی قصاب وایکی نومرولی توتونجی و قوری قہوہ جی و دزت نومرولی فس قالبجیسی دکانلرینک ربع عن سدس حصہ سیلہ دکان مذکور درونندہ موجود بقال کب کک یوز یکریمی سہم اعتباریلہ التمش بتون و بر ربع سہم حصہ شایعہ سی بوندن مقدم لدی المزیادہ لیرای عثمانی یوز غروشدن یکریمی بیک غروش بدل ایلہ طرابلسی اوزرنده تقرر ایش و موقت قرار دادہ سی کشیدہ قلمش اولدیغندن یوزدہ بش ضمیله بوندن زیادہ طالب اولنلرک اشبو تاریخ اعلاندن اعتباراً اوتوز بر کونہ قدر اعلامات شرعیہ اجرا دائرہ سنہ مراجعت ایلملری و مدت مذکورہ دن صکرہ ضم قبول اولنیوب تقرر ایدن بدل مقابلی طالبی عہدہ سنہ معاملہ فراغیہ سنک اجرا قلنہ جنی اعلان اولنور .